

Табасарандин СЭС



Табасаран райондин
жямьяьтлугъдинна - политикайин газат



Голос
Табасарана

№ 18 (1162) Жвуми, 3-пи май, 2024-пи йис (2001-пи йисан 5-пи майдианмина удубчIвур)

Тебрик аплуб

Гъалибвалин Йигъахъди!

Ихъ уьлкейин тарихдиъ 1941-1945-пи йисари кIули гъубиу Ватандин Ахью дявди ахью йишв бисура. Душваъ гъалибвал гъадабгъну цци 79 йис шула. Ватандин азадвал ва асиллу дарувал бадали думу дявди миллионариинди совет инсанари чпин жанар фида гъаплну. Ахью Гъалибвалик табасаран халкъдира лайикълу пай кивну. СССР-ин жара халкъарихъди сатIиди, шубуд агъзурна хъудваржтIан зина ихъ ватанагълийирра дявдин гъизгъин женгариъ иштирак гъахъну ва гизафдар дявдин майдариан къяляхъ гъафундар. Къабидарра, бицIидарра, дишагълийирра дявдин далу терефнаъ гъалибвал бадали зегъметнан фронтдиъ лихури гъахъну. Дявдин цIа, кум кудрубкъу хизан ухъузра адар. Ихъ ахью насларин къягъялвал, гъунарар гъарган ахью шулайи наслариз нумуна вуди гъахъну. Гъи дурарин наслар, ахью абийрин аьдатариз вафалу вуди, Украина нацизмийхъан азад аплури, СВО-ийъ иштирак шула. Душваъра ихъ ватанагъли-йири къягъялвал, гъунарар, ватандиз вафалувал улупура. СВО гъябгъюрайи вахтна шубур табасаран баллиз «Урусатдин Игит» варитIан заан чвур, варжариинди баяриз жюрбежюр медалар, заан наградийр тувну. Хъа ихъ ватандашарира СВО-ийъ иштирак шулайи военнослужащийириз жюрбежюр кюмекар аплура. Гъюрматлу ватанагълийир! Учву улубкъурайи Гъалибвалин Йигъахъди тебрик аплури, учвуз мюгъкам сагъвал, уьмриъ хушбахтвал ккун аплураза! Гъит, СВО вахтнинди ккудубкIну, гъалибвал гъадабгъну, ихъ жигъилар сагъ-саламатди чпин хизанариз къяляхъ гъюри! Гъит гъарган дюньяийъ исягъвал ва халкъарин арайиъ мясляьт ади ишири!

Табасаран район
МР-ин Глава
М. С. КЪУРБАНОВ.

27-пи апрелиъ Хючна гулаъ Гъалибвалин паркдиъ, Ахью Гъалибвалин 79 йис хъпаз тялукъ вуди, Вариурасатдин ватанпервервалин «Ядигарвалин вахта» акция кIули гъубшну. Думу серенжем райадминистрацияйин жигъиларин Центри тешкил гъаплну ва кIули гъубшну. Душваъ райондин жигъиларин Центрин директор Руслан Керимовди ихъ уьлкейиъ Ахью Гъалибвалихъди аьлакълуди ватанпервервалин «Ядигарвалин вахта» ачмиш апIбакан ва дидин метлебарикан гъаплну.

«Ядигарвалин вахта» ачмиш апIбан серенжемдиъ «Табасаран район» МР-ин Глава Мягъямед Къурбанов, дугъан заместитель Заур Мусаев, райондин депутаттарин Собраниейин председател Иса Исаев, Урусатдин МВД-ийн Табасаран райондин отделин начальник Рягъим Асланов, райондин жямьяьтлугъ тешкилатарин, военный комиссариатдин вакилар, райадминистрацияйин работникар иштирак гъахъну.

«Ядигарвалин вахта» серенжем ухдитIанмина гъабхурайиб ву, хъа аьхиримжи йисари, СВО мялум апIбахъди аьлакълуди, диди чахъна



артухъди фикир жалб аплура. Гъи ихъ сад-швнур агъзур ватанагълийи СВО-ийъ ихъ ватан, дидин сакитвал уьрхбан вазифийр намуслуди, лайикълуди тамам аплура. Дурарин зегъметариз асас ихъ кIул'ин исягъ зав ал. Ихъ ватанагълийириз ватандиз вафалуди гъуллугъ

апIбан чухсагъул мялум аплураза», - гъаплну, серенжемдиъ удучIвну улхури, Мягъямед Къурбановди.

Чпин улхбарий райондин Жямьяьтлугъ палатайин председател Аьлимирза Гъясановди, райондин военный комиссарин заместитель Надир Шихмягъме-

довди, райондин Гимназийин ТОКС-дин дестейин руководитель Гъаваханум Исмяиловайи тарихдин ядигар уьбхювалин, ахью шулайи наслиз ватанпервервалин тербия тувбан эгъемиятлуваликан гъаплну ва СВО-ийн иштиракчийириз (Аьхир 3-пи машнаъ.)

Майдин машквар къайд гъаплну



Вари уьлкейиъси, ихъ райондиъра 1-пи Майдин машквар шадвалин шараитдиъ къайд гъаплниши. Хъадукран ва Зегъметнан машквариз тялукъ асас серенжем райцентрин къялан майдандиин

кIули гъубшнийи. Серенжемдиъ райондин Глава Мягъямед Къурбанов, райадминистрацияйин, райондин жара идарийрин работникар ва жямьяьтлугъ тешкилатарин (Аьхир 8-пи машнаъ.)

Женгнанна-ватанпервервалин «Зарница» тамаша

Ккудушу рягъятвал йивру йигъари Табасаран райондин глава Мягъямед Къурбанов Вариурасатдин женгнанна-ватанпервервалин «Зарница 2.0» тамашайин райондин этапдиъ иштирак гъахъну.

«Зарница 2.0» - му Вариурасатдин жямьяьтлугъдинна-гъюкуматдин бицIидарин ва жигъиларин «Садпидарин гъаракат» кIуру тешкилатдин проект ву.

«Зарница» совет девриъ адлу тамаша вуйи. Уьмри улупганси, асас вуди СВО-ийхъди аьлакълуди, жигъилариз военный гъазурлугвалин, читин аьгъвалатарин удучIвбан, командайин дахилнагъди лихбан аьгъювалар ади хъуб важиблу ву. «Зарница 2.0» гъацдар метлебар айиб ву ва райондин администрацияйи думу кIули гъабхуз лазим вуйи

кюмекар тувну. Думу вари деврариз вуйи тамаша ву», - гъаплну тамаша ачмиш апIбан шадвалин серенжемдиъ Мягъямед Къурбановди.

Серенжем ачмиш апIбахъ гъацира райадминистрацияйин главайин заместитель Заур Мусаев, райондин жямьяьтлугъ палатайин председател Аьлимирза Гъажиев, райондин яшлуйирин советдин председател Къумалат Къумалатов, СВО-ийн иштиракчи Ильяс Шябанов ва райондин жигъиларин жямьяьтлугъ тешкилатарин вакилар иштирак гъахъну.

«Мушваъ учву аьгъю гъаплуб, шаксузди, учвуз ичв уьмриъ лазим хьибди. Учв кми-кмиди мектебарий урхурайидарихъан кагъзар гъадагъури шулча. Дурарикан бязидар узу варитIан читин (Аьхир 3-пи машнаъ.)

РД-ийн Главайин терефнаан Чухсагъулин кагъзиз лайикълү гъахъну



Райондин администрацийн информацияйинна-коммуникацийн технологийн отделин начальник Тельман Агъмадханов, намуслу зегметназ, гъазанмиш гъаплү хъуркьувалариз лигну, Дагъустан Республикайин Главайин Чухсагъулин кагъзизхъди лишанлу гъаплүну. Апрельин 23-ди Мягъагъала шагъри Дуствалин хула «Дагъустан Республикайин муниципалитетарин совет» Ассоциацияйин Правлениейин яркьу заседанийе РД-ийн премьер-министр Абдулмуслим Абдулмуслимовди дугъаз Чухсагъулин кагъз тувну.

«Табасаран район» МР-ин Глава Мягъамед Къурбановди, думу заан лишнихъди Тельман Агъмадханов тебрик аплүри, гъаппу: «Тельман Сейфутдиновичди муниципалитетди лихурайи вахтна учв анжах ужуб терефнахъан улупура. Чан пишекарвалин гъуллугънахъна гъарган жавабдарвалиинди ва намуслува-

лиинди янашмиш шулу. Чав ляхин аплүрайи коллективдиъра марци зегметниинди мугъу лайикълү гъюрмат гъазанмиш даплна. Улихъ дивнайи месэлйир мугъу гъарган вахтнади ва ерийинди тамам аплүра».

Тельман Агъмадхановди 2002-пи йисан Хючнаарин къялан мектеб ужудар агъювалар ади ккудубк1ну, Дагъустандин государственной университетди урхуз уч1вну. 2016-пи йисан райондин администрацийи информацияйинна-аналитикайин отделение улихъйи пишекарди лихуз хъюгъну, хъа аххиримжи вахтна «Табасаран районди 2023-2024-пи йисари цифровой трансформация» программийин гюзчивал гъабхура.

Гъюрматлу лишнихъди тебрик аплүри, Тельман Сейфутдиновичди жележгдиъра жандин мюгъкам сагъвал, к1ван шадвал ва ляхни хъана артухъ хъуркьувалар ккун аплүрхъа.

Фарзилат РАЖАБОВА.

Намуслуди гъуллугъ аплүрайидарикан сар

СВО-ийн игитар

Фунур касдинра лап юк1в хъади аплүри ляхни, гъуллугъну ужудар на-тижийра хури аьдат ву. Гъациб ву ихъ райондин Т1ивак гъулан агъали Абакар Исмяиловдин гъуллугъра.

Абакар Исмяиловди багъри Т1ивак къялан мектеб ужудар агъювалар ади ккудубк1ну, чан уьмур РФ-ийн Яракълу Къуватарий гъуллугъ аплүб бахш аплүб метлеб вуди, Новосибирскдин высший военно-командный училищейи урхуз уч1вну. Заан агъювалар ади училище ккудубк1ну лейтенант Абукар Исмяиловди СВО ккебгъу сифте йигъханмина Луганск Халкъдин Республикайи сифте взводдин командирди, хъасин танкарин дивизи-ийин мотострелковый полкна гъюж-мин ротайин командирди гъуллугъ аплүра. Мугъан намуслу гъуллугъна-кан ва ужуб тербийикан хабар туври, мугъу гъуллугъ аплүрайи частнан командованиейихъан улихъна йи-гъари «Табасаран район» МР-ин Глава Мягъамед Къурбановди Чухсагъулин кагъз гъафну. Дидик гъамцдар гафар дидик1на: «**Гъюрматлу вуйи Мягъамед Сиражутинович! Жигъил наслиз рюгъанна-эдебнан ва женгнанна-ватанпервервалин тербия тувбак пай кивбаз учвз ахъю чухсагъул к1урача. Гележгдиъра учвз сагъвал ва хъуркьувалар!** Частнан командовалар!»

Украинайи к1ули гъябгъюрайи спецоперацияйи гъуллугъ аплүрайи частарин командирарихъан, ихъ жигъилари урхурайи уьлкейин жюрбежюр заан урхбан заведенийрин руководителарихъан райондин глава Мягъамед Къурбановди кми-кмиди чухсагъулин кагъзар гъюри шулу, дурарикан хайлиндар газатдин машарийра чап аплүри шулча. Мягъамед Къурбановди гъаппанси, ихъ ватанагълийри лайикълуди гъуллугъ аплүрвалин шак адар. Дурар ахъю насларин намуслу рякьюди гъягъюрайидар ву. Хъа жигъиларин дирбаш валикан, ватанперверваликан, гъунарарикан



къайд аплүри, кми-кмиди гъюрайи чухсагъулин кагъзари, гъелбетда, юк1в шад аплүри. Хъа дициб тербия дурариз чпин насларихъан гъурубкьуб, абийр-бабари тувуб ву.

Абакар Исмяилов гизаф ражари женгарий иштирак гъахъну ва дугъу учв анжах ужуб терефнахъанди улупу-ну.

Луганскдин ислягъ халкъ, дишагълийир ва биц1идар бандерарин нацистарихъан уьрхюра. Эскервалин гъуллугъна алахъурайи читинвалариз дилигди, старший лейтенант Абакар Исмяилов гъюкуматдин, хизандин, багъри инсанарин даягъси гъузана. Мугъан намуслу гъуллугъ, гъазанмиш гъаплү хъуркьувалар «К1убанвализ лигну» медалихъди, хъа улихъна йигъари, РФ-ийн Президентдин Указ-диз асас, Къягъялвалин ордендихъди лишанлу даплна.

Гъит Абакар Исмяиловди ва СВО-ийи гъуллугъ аплүрайи вари жигъилариз, бандерарин нацистарийн гъалиб духъну, чпин хизанарихъна, багъри инсанарихъна сагъ-саламатди гъюру йигъар улукъуз къан дарибшири!

Фарзилат РАЖАБОВА.

Газатдин архивдиан

Ахъю Гъалибвалик ихъ райондин агъалийри киву пайнакан

Ватандин Ахъю дявдин садпи йигъарилан хъюгъну ихъ уьлкейин, гъадму гъисабнаан ихъ райондинра, зегметкешар фронтовика-рин гъайгъушна уч1внийи.

Мисалназ, ихъ райондин вари гъуларий фронтовика-риз мани палтар, ликари-ин алахърудар, элгжар уч аплүбаз тьлукъ собранийи, митингар гъахури гъахъну. Фронтовикариз кюмек вуди мани палтар уч аплүвал Пилигъ гъулан Калининдин чвурнахъ хъайи колхозди ужуйи тешкил гъапл1нийи. Душваъ шубуб сяьтдин арайи колхозникари 112 килограмм хъа, 40 гъидикъ, ургмар, гизаф чарчар, ат1нар ва палтар уч гъапл1ну. Пилигъ гъулан агъалийр вуйи Х. Рамазановайи 2 лезф, 5 жут исккан алахъру палтар, С. Мягъамедовайи 2 лезф, 53 жут исккан алахъру палтар гъидирхну.

Дупну ккундуки, анжах дявдин садпи йисан юкьуб вазин арайи ихъ райондин зегметкешари фронтовика-риз 670 хъайин ккурт, 569

жут ат1нар, 626 жут элгжар ва жара палтар хътаъну.

Дявдин йисари районди фронтовикариз кюмек вуди мани палтар уч аплүз ва хътауз комиссия тешкил гъапл1нийи. Думу комиссияйин жягътувалиинди 1942-пи йисан ихъ райондин фронтдиз 2238 посылка хътаъну.

1942-пи йисан октябрин машквраз Халагъ гъулан агъалийри фронтдиз ччим, хифар, йимишар, палтар ва жара шейэр ади 110 посылка, Рушвил гъулан Ворошиловдин чвурнахъ хъайи колхоздин колхозникари 43 посылка, Ярса гъулан агъалийри 8 центнер хифар, 250 килограмм хю, 195 литр чяхир, 100 килограмм гъеерцу жихрар хътаъну. Фронтовикариз хъайин ат1нар, элгжар ургъбаъ тафавутлу гъахъи дишагълийириканди вуди гъисаб шулу: С. Мутелимова (Ц1урут1ил гъул) - 70 жут ат1нар ва 15 жут элгжар, Жюме Мягъамедкеримова (Думурх1ил гъул) - 68 жут ат1нар ва 25 жут

элгжар, Секинат Мягъамедова (Чвулат1 гъул) - 60 жут ат1нар, Умижат Сардарова (Ярса гъул) - 90 жут ат1нар ва жарадар.

1943-пи йисанра ихъ райондин дишагълийири фронтдиз 969 жут ат1нар, 908 жут элгжар, 744 хъайин ккурт, 16 тонн гъеерцу йимишар ва гизаф жара суратар, алахъру шейэр хътаъну. Мисалназ, Халагъ гъулан агъали М. Мягъамедовди 1943-пи йисан фронтдиз 1 юрт, 16 жут ат1нар, 4 килограмм хъа, Хюрикк гъулан агъали Рамазановди 10 килограмм хъа, марччлин 4 гъидикъ хътаъну. 1944-45-пи йисари райондин фронтдиз кюмек аплүвал яваш гъабхундар. Думу йисари табасаранлуйири фронтдиз 50 тонн тахил, 200 агъзур манат пул, 90 тонн гъеерцу йимишар, 50 тонн йикк, 3 тонн ччим, 80 тонн жара продуктар хътаъну.

1943-пи йисан февралин юкьудийи Дагъустан Республикайин руководителар

вуйи Аблиевдин, Тахтаровдин чвурнахъ Москвайин гъамциб кагъз гъафнийи: «Дявдин самолетар аплүз, 25 миллионлан гъайри, аьлава вуди 26 миллионна 640 агъзур манат уч гъаплү Дагъустан Автономный Совет Социалист Республикайин зегметкешариз – чвевалин салам ва Уьру Армияйин терефнаан чухсагъул йипай.

И. Сталин».

Верховный Главнокомандующий И. В. Сталинди гъамциб кымат туву ляхник Табасаран райондин зегметкешарира ахъю пай кивнийи. 1943-пи йисан 6-пи июнди чан мухбири «Дагъустан правдайиз» хабар тувнийи: «Табасаран районди подписка аплүвал 2 миллионна 300 агъзур манатдихъна удубч1вну. Колхозникари гъац1 миллион манат нагъди гъабхну. Подписка давам шула».

Дициб деврин ватанпервервалин компанияйи саспи адмийрин аманат иллагъки ахъюб вуйи. Ярсарин Абдулбасир Сардаровди чан вари уьмрий уч аплүрайи 120

агъзур манат, Т1иварин Муррад Халикьовди 110 агъзур манат, Исмяил Базутаевди 30 агъзур манат тувнийи. Йиц1уд агъзур манат тувдар гизаф гъахъну.

Дупну ккундуки, райондин дишагълийирииз колхоздин гъасилвалра к1ули гъабхувал алахънийи. Дурарикан 40 кас бригадирарди, саспидар председателарди лихури гъахъну. Думут1анна савайи, дурар оборонайиз вуйи гъанавар риккбаъ активно иштирак гъахъну.

Ватандин Ахъю дявдин ихъ райондин 7 агъзурна 300 эскер гъушну. 5 агъзур кас табасаранар оборонайин тикилишарин гъилихну.

Ватандин Ахъю дявдин йисари ихъ райондин вари гъуларин колхозарий оборона уьхбан фондар ачмиш гъапл1ну. Дявдин садпи йисан думу фондариз 45660 килограмм дяхин, 5034 килограмм мух, 332 килограмм гаргар, 143 килограмм дук1, (Аххир 3-пи машнаъ.)

Студентарихъди гюрюшмиш



Улихнаси «Табасаран район» МР-ин Глава Мягьямед Къурбанов ДГУ-ийъ ихъ райондиан урхурайи жягътлу студентарихъди гюрюшмиш гъахъну. Душваъ ихъ райондин образованиеин ва инфраструктураин артмиш'валин меселйир гъал гъапну.

Гюрюшмишдиъ райондин главайи ужударсдар студентарин хъуркьувалар къайд, урхбаъ заан къиматар гъадагъурайидар лишанлу гъапну ва му гюрюшмишдин иштиракчийрихъди жележгидьра аьлакыйир уьрхюз кка-

йиваликан гъапну.

Студентари райондин главайиз хайлин суалар тувну ва райондин образованиеин ва социалин артмиш'валикан чпин фикрар ачухъ гъапну.

Гюрюшмишдин натижийр йивури, Мягьямед Къурбановди къайд гъапну: «Жигъил наслихъан дюнья ужуб терефназди дигиш аплуз шлувалин инанмиш вуза, хъа ухъу, яшнан ахъюдари, дурадин жягътлуваларин тереф дибисну ккунду».

У. Къурбанова.

«Ядигарвалин вахта» ачмиш гъапну

(Эвел 1-пи машнаъ.) Чухсагъул мялум гъапну. Гъаваханум Исмаиловайи къайд гъапнуки, тубуд йигъандин арайиъ ТОКС-дин десте республикаин ТОКС-дин дестйирин 53-пи слетдиъ иштирак гъабхъну. Слетдин иштиракчийри Табасаран райондиан СВО-ийъ иштирак шулайидарин аманатдиз заан къимат тувну. Ихъ ваганагълийири душваъ къягъялвал улупурайивалин къякънаан дурадин арайиъ 4 кас Урусатдин Игитар айивали шагъидвал аплура.

СВО-ийн иштиракчийрин терефнаан акцияийъ СВО-ийн иштиракчи Ильяс Шябанов удучлвну гъулхнийи.

«СВО-ийъ садпи йигъланмина иштирак шулаза. Гъелбетда, лап читин ва гъагъи вахтарра шулу. Гъа-ци вуйиган рягъимлувалин кюмекнахъди урхурайидарихъан гъюри шлу кагъзар урхурза. Думуган яв къяляхъ вари халкъ хъайиб агъю шулуз». – къайд гъа-пну дугъу.

Серенжемдин аххирь райондин главайи СВО-ийн

иштиракчийр Ильяс Шябанов ва Ринат Байрамов, женган гъаракатариъ ватан ва государственнойн интересар уьрхювал тямин аплбаъ эскервалин буржи намуслуди тамам аплбаз, къягъялвализ, клубанвализ лигну, Чухсагъулин кагъзарихъди лишанлу гъапну.

«Ядигарвалин вахта» 9-пи Майдиз давам хъибди.

АБ.РАШИДОВ.

Н. РЯГЪИМОВДИ
гъиву шикил.

Женгнанна-ватанпервервалин «Зарница» тамаша



(Эвел 1-пи машнаъ.) Вахтари цийиклултлан урхури шуйза, гъаз гъапиш эдебнан кюмек эскрариз варитлан важиблуду», - гъапнийи Ильяс Шябановди.

«Садпидарин гъаракатдин» Табасаран райондин ерли отделеинийн ляхин тешкил аплура пишекар Низами Агъаризаевди гъапиганси, «Зарница» тамашайин сабпи этапдиъ райондин образованиеин идарийриан къаб команда (гъарсаб командийи 10 кас ади) иштирак гъахъну. Думу проектди бицлидарин ва жигъиларин

умуми ляхниз шериквал, ватанпервервалин гъиссар тербияламиш аплуз ва низам ужу алаплуз кюмек аплуру. Тамаша гъабгъюрайи вахтна дидин иштиракчийри строевой гъазурлугвал улупну, дурадин викторинаийи иштирак гъахъну, сабпи ражари кюмек тувбан бинайиан ва командийн дахилнахъди читин агъвалатарин удучлвбан агъювалар улупну. Гъарсаб дисциплинаийн урхурайидарин агъювалариз балларин къайдайиинди къимат жюрбежюр циркларин вуйи пишекарари тувну-военны-

ийи, медикари, спортдин мектебарин тренерари.

«Зарница 2.0» тамашайин муниципалин этапдин натижийриинди варитлан ужударстар командийриз грамотийир, пешкешар, ядигарин призар тувну. Варитлан гизаф баллар гъазанмиш гъапну команда женгнанна-ватанпервервалин думу тамашайин зонаийн этапдиъ иштирак хъибди.

АБ.РАШИДОВ.
Нурулла
РЯГЪИМОВДИ
гъиву шикил.

Ахъю Гъалибвалик ихъ райондин агъалйири киву пайнакан

(Эвел 2-пи машнаъ.)

2111 килограмм нюрх, 22 клул ахъю малар, 49 клул сил, 81 - чарва хътаъну.

1942-пи йисан думу фондариз 113063 манат пул, 53941 килограмм дяхин, 152 клул малар, чарвийр, 255 килограмм ччим, 4334 килограмм рукъ, хъа 1943-1944-пи йисари 1000 тонн дяхин хътапну.

1941-пи йисан ихъ райондиъ заемдиз биклбан бадали хайлин ляхин клули гъубхну. Райондин тешкилатариъ ва идарийриъ лихурайидари 192090 манатдин, хъа колхозникари ва гъуларин Советарин работникари 196219 манатдин заем гъ ибиклну.

Бабаюрт райондиз ихъ райондиан гъанавар риккуз ва жара тикилишдин ляхнар тамам аплуз, яни зегъметнан фронтдиз, 1500 кас, Дербент райондиз 1000 кас ва 200 жут гъагъ зигру йицар гъахъну.

Бабаюртдиъ табасаранлуийрин батальондин командир Мирзамягъямед Гъямзаев, хъа комиссар Жяфаров вуйи. Саб жюрейин шараитар адру йишваъ, лазим вуйи алагарра гъурклну адаршра, инсанари, йигъ-йишв дарпиди, зегъмет зигури гъахъну

1942-пи йисан ихъ райондиан Хасавюртдиз хусуси метлеб айи тикилишариинна 1390 кас, гъадрарикан 260 кас дишагълийир, гъацара 310 жут йицар ва гамшар, аьрабийра хъади, гъушну.

Гъадрарикан 125 кас - Хюрикк, 145 кас - Къужник, 145 кас - Гуми, 125 кас - Тлюрягъ, 120 кас - Ахъит, 120 кас - Гъепил ва жара гъуларин Советариан вуйи.

Тикилишдинна - оборонайн дараматар дивбан бадали, ихъ райондиан Огни поселокдиз 590 кас гъушну.

Тикилишдинна - оборонайн дараматар тикмиш аплбаъ заан активвал улупбаз лигну, ихъ райондиан 28 касдиз ДАССР-ин Верховный Советдин Гъюрматнан грамотийир тувну ва 12 кас 10-пи саперный армияийи лишанлу гъапну.

1942-пи йисан 10-пи июлианмина 1943-пи йисан феврализ Табасарандин пионерари «Пионер Дагестана» поезд-прачечный тикмиш аплуз 400 агъзур манат уч гъапну. Дявдин вахтна шубуд йисандин арайиъ «Пионер Дагестана» авиазвено тикмиш аплбан бадали 71900 манат уч гъапну.

Танкар, самолетар, автоматар, снарядар гъазур аплбан бадали илдан, рукъ лазим вуйибдин гъавриъ айи мектебарий урхурайидари чиб-чпин, яни классарин, мектебарин арайиъ рукъ уч

аплбан талитар тешкил гъапнийи. Гъади, дявдин садпи йисан ихъ райондиан 35 тонн металлолом хътапну.

Вари мектебарий урхурайидарин арайиъ хутларин дяхнин клулар уч аплбан бригадийр тешкил гъапнийи. Варитлан гизаф клулар уч аплбаан норма 16 килограмм вуди, 20-24 килограмм уч гъапну Тиварин мектебдин бригадийн членар вуйи Султанова, Ибрагъимова, А. Абдуллаева, С. Ибрагъимова тафавутлу гъахънийи.

1941 — 1943 -пи йисари райондин мектебарий урхурайидарин бригадийри 1000 тонн дяхнин клулар уч гъапну. 1944-пи йисан комсомолец Сабир Мусаевди - Хючнаарин къялан мектебдиъ урхурайири- 220 зегъметнан йигъ гъазанмиш гъапну. Хъа Хюлгъярин мектебдиъ урхурайи Ибрагъим Шефиевди 189 зегъметнан йигъ гъазанмиш гъапну. Колхоздин гъасиллувалиъ активно иштирак хъувализ лигну, дура СССР - ин Наркомпросдин ва ЦК ВЛКСМ - дин Гъюрматнан грамотийрихъди лишанлу гъапну.

1945 - йи йисан эскервалин гъуллугънаъ айидарин хизанариз кюмек вуди Тиварин «1-Май» колхозди 15675 кг дяхин ва 1770 килограмм мейвийр жара гъапну. 1945-пи йисан жикъи вахтнан арайиъ эскервалин гъуллугънаъ айидарин хизанариз 46426 килограмм дяхнин ва 7560 манат пулин, 146 жут ликарийн алахърударин, 980 шейъ палтарин кюмек тувну.

1941 - пи йисан 23 - пи ноябри тешкил гъаплу танкарин колоннайиз дакъатар уч аплбаз тляукъ вуйи вариурусатдин комсомольский воскресникдиъ ихъ райондин жигъиларра иштирак гъахъну. Дуради 170625 манат уч гъапну.

1941-1943-пи йисари райондин зегъметкешари танкарин колоннайири пулин кюмек хътапну: РККА-ийиз - 649040, В. Эмировдин ччурнахъ хъайибдиз - 549936, «Дагъустандин Пионериз» - 639004, «Дагъустандиз» - 8000 манат.

Ав, думу йисари фронтдиз душнайи эскрариз гъуларий лихурайи зегъметкешарин, колхозникарин кюмек ахъюб гъабхъну. Гъади, Ахъю Гъалибвалик ихъ бици Табасарандира ахъю пай кивну.

(«Табасарандин сес» газатдин архивдиан гъазур гъапндар АБ. РАШИДОВ, Ф. РАЖАНОВА, У. КЪУРБАНОВА).

С. Стальский и Табасаран (К 155-летию С. Стальского)

Сулейман был поэтом – бойцом,
чья песня звала и убеждала.

Таким он остался до последнего
дня своей жизни»

(А. Сурков).

«Оценка М. Горьким Сулеймана Стальского как Гомера XX века», - пишет профессор А. Г. Агаев, - выражала особое место, которое занимал Сулейман - и не только Сулейман, - в истории многонациональной культуры мира».

О Сулеймане Стальском существует обширная литература. Многие вопросы, связанные с его творчеством, все еще не стали объектом специального изучения.

К числу малоизученных тем можно отнести творческие связи С. Стальского с представителями соседних регионов, а также влияние его творчества на творчество поэтов этих регионов. К числу регионов, с которым был связан С. Стальский, относится, в частности, южный Табасаран, который входил в состав Кюринского округа. Известно, что С. Стальский был отходником, работал на нефтепромыслах Баку, где трудились также табасараны, и некоторые из них имели возможность познакомиться с Гомером из Ашага – Стала еще в начале XX в.

Одним из первых представителей Табасарана, с которым связан С. Стальский, был Юсуф -Хаджи из Гурика Табасаранского района. Он учился в медресе сел. Ашага-Сталь Кюринского округа. При поступлении в медресе Абдул-Фатаха-эфенди, Юсуфа-Хаджи поддержал известный ученый-историк Гасан-Эфенди Алкадари. В годы учебы в медресе Юсуф-Хаджи находился в близких связях и подружился с Сулейманом Стальским. Связи С. Стальского и Юсуф-Хаджи продолжались и после завершения учебы в Ашага-Стале. Об этом свидетельствует переписка между ними.

Сулейман Стальский призывал Юсуф-Хаджи посвятить себя поэзии. О дружеских отношениях С. Стальского и Юсуф-Хаджи свидетельствует то, что С. Стальский посвятил стихотворение Юсуф-Хаджи, в котором пишет:

Гаджи – Юсуф, мой друг, поэт
Моё воспоминанье ты.
Уж сколько долгих лет
Проводишь зря, в молчанье ты?
И в этом я тебя виню
Что стальскую забыл родню.

Дружба С. Стальского и Юсуф-Хаджи была крепкой и долговечной. В ответ Юсуф-Хаджи посвятил стихотворение С. Стальскому:

Каждое слово твоё приносит
свет и тепло
Продолжай высылать стихи свои
Дни и ночи меняются как обычно.
Один сыт, другой с голода
помирает.

Подлец – в счастье,
честный – в яме.
Верно говоришь: ужасна
жизнь совсем,
Если из сорока один прав,
другие неправы.
В море бесправия правда
затерялась.
Угнетенный - зайчик,
угнетатель- коршун.
Скажи, когда правосудия
наступит день.



Получил письмо твоё, друг
любимый, Сулейман,
Дорого слово каждое для
меня, лекарство для души.
Открыл ты мне дороги поэзии,
Имя «шаир» дал ты мне.

Со Сулейманом Стальским находился в близких отношениях и табасаранский поэт А. Имамов. В стихотворении «С. Стальскому» А. Имамов передает боль по поводу утраты большого друга своей семьи. «С золотым словом», «со сладкими беседами», «с глубоким проникновением в жизнь», «помощник партии», «пречестный человек», «знаток любого дела», «с острым языком», «мастер слова» ... такой Сулейман близок табасаранскому поэту.

То, что представители табасаранской культуры Юсуф-Хаджи, А. Имамов и другие самым тесным образом были связаны с С. Стальским свидетельствуют и многие другие факты.

С. Стальский в своих произведениях отобразил борьбу горцев Дагестана против иностранных интервентов и внутренних контрреволюционеров. Э. Капиев писал: «Могучее классовое чутье помогло безграмотному, но мудрому крестьянину из темного Ашага-Стала разобраться в сложной обстановке гражданской войны».

С. Стальский высоко отзывался о борьбе партизан Табасарана против полчищ Деникина. В годы гражданской войны табасараны были самыми активными участниками борьбы против белогвардейцев, турецких оккупантов, разжигавших кровавые междоусобицы, грабивших горцев. Борьбой дагестанских горцев против иностранных интервентов в южном Дагестане руководили Т. Юзбеков, А. Акимов и др.

В период оккупации Дагестана, в частности Кюринского округа, Дербента деникинцами, главнокомандующим Дербентским фронтом был А. Акимов, выходец из сел. Черё «Мы, кюринцы, не знаем, чем отблагодарить Аллахверди, - писали они, - за освобождение нас от варваров деникинцев».

Борьбе табасаранских партизан против интервентов С. Стальский посвятил следующие строки:

Горнилом стал Табасаран
И выковал он партизан,
Высокий был им жеребий дан:
Защита собственного крова.
И стар, и млад точит булат,
С мужьями жены стали в ряд.
Бойцам была их помощь - клад,
Они свой долг несли сурово.
В стихотворении «Наше каж-

дое дело продвинулось вперед» С. Стальский писал:

Кто поднял эту борьбу – бурю
Каждого ружьем вооружил
Восстал наш Табасаран
Эта была очень

удивительная борьба!

С. Стальский в поэме «Думы о Родине» воспевае реку Рубас, протекающую по Табасарану. Он пишет:

Я славлю Рубас-чай и Дон,
Эльбрус, что солнцем озарен.
Как солнце, ясный наш закон,
И сердце мира – Кремль

счастливей.

Большой популярностью среди табасаранского народа пользовались произведения С. Стальского «Слово о мулле Рамазане», «Двуногий осел», «Муллы», «Судья», «Муллам», «Богачи-чиновники» и многие другие.

Особенно популярным было стихотворение «Муллы», в котором говорится:

Когда зерно собирает люд,
Вы у амбаров тут как тут,
И часть десятую дают
Не вам ли про запас, муллы?
Поминки – это ваш успех;
Вы не считаете за грех
Садиться к плову ближе всех,
Везде поспева как раз, муллы.

Популярность поэта среди народов Дагестана росла. В начале 30-х годов XX в. его имя стало известно за пределами Дагестана. Одним из первых переводчиков стихов С. Стальского на русский язык был Г. Гаджибеков, который решительно отстаивал создание табасаранской письменности в 30-х г.г. XX в. «Творчество Сулеймана, - писал Г. Гаджибеков, - для нас представляет большой интерес, как творчество подлинного народного поэта, вышедшего из народных низов».

В 1936 г. в сел. Ашага - Стал со С. Стальским встретился Муталиб Митаров, который пишет: «Доле-тела до нас слава поэта Сулеймана Стальского. О нем стали говорить всюду. Одно имя вселяло в душу уверенность. Все стали поющими. Мы, ученики, не зная лезгинского языка, стали наизусть учить его стихи, переписывать их друг у друга. Большой радостью для меня было сообщение о том, что я вместе с другими школьниками Хивского района могу посетить поэта. И теперь помню то волнение, какое испытывал я, ученик шестого класса, удостоившийся высокой чести».

К 1939 г. относятся переводы М. Митарова стихотворений С. Стальского, опубликованные в сборнике «Избранные произведения» на табасаранском языке.

В знак глубокой признательности таланта С. Стальского ему посвятили свои стихотворения известные табасаранские поэты: Манаф Шамхалов «АстИил Сулеймандиз», Асланбег Везирев «Сулейман», Ахад Имамов «Сулейман Стальский», Муталиб Митаров «Думу ухухьди хъа», Казирахмед Рамазанов «Стал Сулеймандиз», Агакерим Агададашев «Суйлу Сулейман» и другие.

Изложенный материал лишь небольшой обзор по теме С. Стальский и Табасаран. Поэтическое творчество С. Стальского оказало влияние и на творчество представителей культур многих народов Дагестана и Кавказа.

Гасанов М. Р.
Магомедова Э. М.
г. Махачкала.

Дагестан в годы войны 1941-1945 г.г.

Великая Отечественная война, унесшая жизни миллионов людей, большими буквами вписана в летописи не только из-за своей жестокости и кровопролитности, но и благодаря неимоверному подвигу советского народа.

Свою лепту в историческую Победу Советского Союза над агрессором внесли и жители Дагестана, а если точнее — Дагестанской Автономной Советской Социалистической Республики (ДАССР).

В Дагестане был сформирован ряд боевых соединений, в том числе 44-я и 58-я армии, в состав которых вошли тысячи дагестанцев, 91-я стрелковая дивизия (впоследствии Краснознаменная Мелитопольская дивизия), Махачкалинская стрелковая дивизия НКВД, 714-й зенитно-артиллерийский полк, состоявший из 980 девушек, Буйнакское пехотное училище, отдельный Дагестанский кавалерийский эскадрон, Кизлярский кавалерийский эскадрон, экипаж бронепоезда «Комсомолец Дагестана».

В ДАССР также были созданы отряды народного ополчения, в которых на начало октября 1941 года насчитывалось около 12 тыс. человек. Для борьбы с вражескими десантами, лазутчиками и шпионами к концу 1941 года в республике было создано 39 истребительных отрядов, в которые вошли более 2000 человек.

В годы Великой Отечественной войны из городов и районов республики было призвано в армию и на флот почти 126,5 тыс. человек. В это число не вошли около 16 тыс. человек, призванных из Кизлярского, Тарумовского, Ногайского районов и города Кизляра, которые были включены в состав республики только в 1957 году.

Кроме того, до начала войны в кадровых частях армии и военно-морского флота служили порядка 16 тыс. дагестанцев, которые, как и другие военнослужащие, первыми приняли удар немецко-фашистских войск. Таким образом, на фронтах самой кровопролитной войны в нашей истории воевали около 158 тыс. дагестанцев. По другим данным, всего в годы войны Дагестан дал фронту 180 тыс. воинов, из которых погибло более 90 тыс. человек.

Нависшая над страной опасность потребовала немедленной перестройки деятельности отраслей народного хозяйства. Вся хозяйственная деятельность должна была быть подчинена одной цели — дать Красной армии как можно больше вооружения, боеприпасов и другого необходимого снаряжения.

Существенное влияние на производство военной продукции имело перебазирование в республику промышленных предприятий из районов, которым угрожала оккупация. В Махачкалу с Украины и Ростовской области были переведены заводы «Красный молот» и «Красный металлист», чугунолитейный и арматурный завод «Красное Знамя» — в поселок Дагестанские Огни, а завод №175 — в поселок Двигательстрой.

Так, завод №182, принявший эвакуированный завод №175, за короткий срок запустил производство торпед, авиационных мин, комплектов минных приборов и механизмов. Параллельно с выполнением основной производственной программы на заводе было начато производство 50-мм и 82-мм минометов.

К осени первого года войны промышленность Дагестана успешно решила задачу перестройки своей деятельности и налаживания производства вооружения, боеприпасов и другой необходимой фронтальной продукции. На Каспийском заводе производились 85-мм зенитные гранаты, 82-мм чугунные мины, литые корпуса 50-мм чугунных мин. На Махачкалинском ремонтно-механическом заводе (позднее — завод имени Гаджи-ева) было освоено производство 45-мм осколочно-фугасных снарядов, 50-мм чугунных мин, а также литые корпусов таких мин.

(Из СМИ).

Ахю Гъалибвалин йигъаз бахш вуди

Муслим Къурбанов
Гюмбет

Гюмбетдин
къамкъарихди дишагъли
Алахънайи, ишури,
кIаруб алди.
ШилтI апIури, дугъан
нигъар куркIрайи,
ЦIалцIам гъвандин
дахаргънайи къарцIарик.
Рагъури а ишбан
пIилтIарин цIадлар,
Ригъун аквнакк
нурарси дерккучIимрин.
Белки, душваъ
рякъюрашул пак паплар –
Баб бадали женгназ
душну, дарфирин.
Белки, бабаз
рякъюрашул балин инчI,
Аххиримжи ражну
уьмриъ чаз гъабкъю.
Шлиз аьгъя, сеbeb
дубхъну ишбан снисрч,
Накъвдин гъвандиъ
фукъан архар гъизигнуш.

Хабая апIна гюмбет
гъарин цирклари,
Даим нивкIузу гъушу
женгчи уьрхюри.
Сессузди а цIигинч
- гюмбетдин гранит,
Къисмат дубхъну
убхъюб жигъилин майит.
Белки, бабан кIваз
дуфнашул думу вахт,
Сабпи къадам багъри
бали алдабгъу.
Хъана бабан фикриъ
ашул балин «бахт» -
Живан вуди накъвдин
шиб чаз гъибихъу.

Йипа, накъвдин шиб,
гъаз гъабхъну яв къисмат,
Бабарин нивгъарин
мархълиқк маш ккипуб?
Гъаз дарва ву
дараматдин умбрин ппатт,
Шад бицIидар заина
чав адаьру?
Саб аьгъязуз: гъубзруб
уву шагъидди,
Игитрин ччвур, дугъан
нурар уьрхюри,
ЙикIрудариз
къабивалин пай тувру,
Дийрихрудар гъарган
жигъилди гъузру.

Абдулмажид Къурбанов
Гъалибвалин
машквар

Гъалибвалин машквар дуфна,
Шадвалин ва пашманвалин.
УргуцIур йис тамам дубхъна
Думу Ахю Гъалибвалин.

Аферин ихь игитариз,
ЧIивидариз, гъакIидариз!

Алчагъ, хаин душмнаривъан
Уьбхюз ккуни, багъри Ваган
Совет халкъдин саб хизандиъ
Женгнаъ гъабхъну Табасаран.

Мициб даяи, мициб гъунар
Аьсариеъра зат

гъабхъндар,
Ккудушишра фукъан йисар,
Халкъдин гъунар
кутIубшвидар.

Дурнийир

Хиял шулуки, вахт-вахтарик эскрар
Майднариан къяляхъ дарфидар ифдин,
Фила-вуш, ваъ, му ругариъ дахъундар,
Хъа илтIикIну дурнийириз чиб лизи.

Гъамусра ярхла вахтариан думу
ТIирхура дурар ухъуз сесер туври.
Гъаддиз, кми-кмиди, пашман вуди, ухъу
Ккебехъурдарин, завариз лигури?

Урус чIалнаан илтIикIур Абдулмажид РАШИДОВ.

Расул Гъямзатов

ТIибхура, тIибхура завуъ энгел лиж,
ТIибхура дифрягъди, йигъ ккудубкIури.
А саб бицIи ара думу жергейиъ,
Мумкин ву, хъуз узуз вуйиб думу йишв.

Улубкъиди йигъ, лижагъди дурнийирин
Узура тIирхиди укIушнаъ гъабиб.
Завариан сес апIури ничхриси,
Фуж жилин гъитгнуш, ебхъури вардиз.

Шамил Къазиев

Гъябкъюндарзуз дявдин инсафсуз суфат...

Гъябкъюндарзуз дявдин инсафсуз суфат,
Дидин гъюргъю рякъяригъди байвахтна
КанчI дибисну бабан, гъергундарза зат,
Гашди ва юкIв ади гъарган аьз'ятнаъ.

Зазар кайи телин арчларин къялаъ,
Гъарган ккади автоматдин гаш уликк,
Гъабхъундарза бицIи чъйирин гъайгъушнаъ
ГатIабхънайи ипIруб абгури унчIвикк.

Ахъюр-бицIир жара дарапIди, вари
Архнахъ дерккган, багахъ хъадайза душван,

Гъябкъюндарзуз, фици алабхъу ругди
Гъагъиди ил хъадабгънуш шубуд йигъан.

Гъябкъюндарзуз дявдин инсафсуз суфат,
Ахю гъабхъунза, дерд-къаза аьгъдарди,
Ибшри кIури шад байвахт узуз къисмат,
Гъагъи кымат тувну узхъан ватанди.

Гъяркъюндарзуз дявдин гюллиир фицдар вуш,
Гъири багъри жилин кIваъ арсна дурар.
Къаб миллион гюлле, йиз уьмриз гъиву;
Мухрар гъирчну, абйири гъюз гъитундар.

Шюшеханум Керимова

Гъибтунва аку шил уьмрин къяляхъ яв...

(1944-пи йисан Ватандин Ахю дявдин женгнаъ кечмиш гъахъи, Украинанн Винницкий областдиъ накъвдик кайи Багъаутдин Митаровдиз бахш вуди)

Гъибтунва аку шил уьмрин къяляхъ яв,
Шаир, женгчи, табасаран халкъдин бай!
Сикинсуз юкIв вахтсузди гъабхънив сикин,
Йисариланра уву илми кIваин.

Жикъи уьмур увуз гъабхъунвуз къисмат,
Гъунарвалин аьгъийвуз халис кымат.
Ахю Ватан бадали тувунва жан,
Ахъюди гъибтузра гъабхъундар учхъан

Ватан, гъюбхю увустар игитари.
Гъири, женгнаъ айиси, ихь халкъари
Уьбхюра Урусат, ухъуз гирами,
Жилра, багъри бабси, увузра ккуни...

Зиквси гъюддиб ибшри
уву дахънай йишв,
Думу жилра, фила – вуш,
Ватан вуйихъ...

Абдулмажид Рашидов

Яв ччвурнан ад

(Ватандин Ахю дявдин иштиракчийириз бахш вуди)

Мужри лизиб, кIул – чIарар зат илимдруб,
Гъатху улчIвмар хъайи улар кIушвура.
Къаби халу, дахну ширин нивкI адру,
Сессуз накъваригъна ву яв фу гъарай?!

Уьмрин гизаф йисарин яв рякъ хъапIри
Гъаунва амси ва ригъ али йигъар.
Ахю дявдин гъабхъунва иштиракчи,
КутIушвидар яв гъунарарин нурар.

Къаби халу, вуз гъябкъюб зуз гъябкъюндар:
Я дявийир, я колхозар тикмиш апIуб.
Амма аьгъязуз ихь халкъдин гъунарар,
Дурарик явра ахю пай ву кивуб.

ЦIигъ гъипиган, убциру хъупан къувватну,
Уллубгъу гъван тIягIрякънахъди тIубкIури.
Читинвализ давам туву яв аьшкъну
Насларихъна яв ччвурнан ад рубкъуру.

Дявди бацар йивну бай тадрагъу хал –
Жиниб вуйин? – ихь уьлкейиъ гъубзундар.
Гъабиб йигъахъна рубкъну явра ахал,
Къисмат духъну баяриз дявдин майднар.

Амма кур женгнаан, дявдин ппазиси,
Душмандилан лайикъ къисас алдабгъну,

Гъафунва яв гъулаз, халис игитси,
Гизаф яв таяр яд йишваривъ гъузу.

Мухриъ ахънив зур хажалатнан гъванар,
Я эрцIуз, я тикийир апIуз даршлудар.
Явси мухриъ дердар арсну а дагълар –
Агъзар'инди баяр къяляхъ гъафундар.

Гизаф ифйир'ан идиркнущра жилар,
Халкъдихъди вузра шадвал къяляхъ гъафну.
ФукIа гъайиф дарапIу ихь инсанар
Немцарин жюнегар'ин гъалиб гъабхъну.

Фукъан йисар гъушну магъа дявдихъан
Халкъдин мяшатдиъ уву лихури.
Вахтар кIваин апIури гъахъи хилхъан,
Жигъиларин гирами яс уьбхюри.

Ахю уьмур хъапIри ава му жил'ин,
Уьмрин меълиб, кьутIкълиб аьгъю апIури.
Багъри вуйи Табасаран дагъларин
Гъюрмат ва ад лайикълуди уьбхюри.

Агъсаклин, яв, гъарсаб гафну живандиз
Ригъуси нур тувру, рякъ аку дапIну.
Варж йисансан сагъвал ибшри яв жандиз
Жигъил наслиз мисалнан къувват тувру.

Абдуллагъ Абдурягъманов

Баярин буржи

ЮкIвар аькъи дапIну, гъаьра дадйири
Жигъил баяр гъуллубгъу апIуз Ватандиз.
Кижикюра чпин уларра нивгъ аи,
Дярябкъруси гъягъюрайи баяриз.

Гъуллубгънаъ хъуб багъа вуйи Ватандин -
Му буржи ву гъарсар балин, жилирин.
Чан гардандиъ гъибтуб ахю гъагъ дидин
Хас ляхин дар бедендиъ юкIв айириз.

Агътра къабул дапIну сацIиб вахтналан,
Баяरिकан хъиди эскрар Ватандиз.
Хъюгъди тIирхуз шиклар , кагъзар ярхлаан
Йигъди-йишвди ккилигурай дадйириз.

Амма, гъайиф, къяляхъ вари хъадакдар,
Хабая ауз ккилигурай юрдариз.
Думу гъуллубгъу аьсарарин рягътиб дар,
Гъаддиз думу тувна анжагъ баяриз.

Абдусалам Асланов

Дявдин
шагъидариз

Гъялак дубхъна,
жакъвси къефсиъ,
гъи юкIв йиз,
Бабан чIалниинди къюб
гаф пуз ккундиз:
«Дяви» гаф гъеебхъган,
жандиъ абхъриз зиз,
Дявдин шагъидариз
шиир бахш вуйиз.

Дяви фу ву? Зав'ан
ахърайи бомбар,
Даргъурайи хулар, гъулар
ва шагъгар.
Дяви фу ву? Ургурайи
мягъсулар,
Мархълихъси,
гюллидихъ гъабхънайи
инсанар.

«Дяви» кIуру гафну
гъибикъну дюнья,
Фашистар'ин
халкъди алапIну нянат.
Миллионариинди инсанари
Дявдиъ жанар дивну
ухъу бадали...

Васият гъапIну
дурарикан сари,
Аку дюнья динпу
гъярайи эскри:
«ЧIивидари рякъюхъ
узуз накъв диври,
Накъвдин гъвандиъ
шикил ибтри ва бикIри:

«Икрам апIин му
жигъил эскрин накъвдиз,
Дагълу намус
аьйибнаъ идрибтурин».

Эседуллагъ Сафарялиев

КIваин
гъибтри


Гъарсар касди кIваин
гъибтри,
Дявди фукъан дердер
тувнуш,
Дидин гъагъи истисмари
Уллан фукъан селлер
гъабнуш.

Гъархуз шулин
сарихъанра
Къаб миллион фида
жанар.
Чиб гирами ухъуз
духъна,
Гъушишра варж, агъзур
йисар.

Хъа бицIидар, бабар дургну,
Йитим хъувал аьзаб дарин?
Велед хулаз хътакур, дупну,
УнчIивихъ дьендайдар
цIиб айин?

Халкъдин фукъан
дараматар
Дявди гъургнуш,
жиниб вуйин?
Тарихариъ зат гъархруб дар,
Аьзабну юкIв
гъубгнущ швнурин.

Фукъан аку гележегдин
Рякъар къяляхъ
гъивнуш дявди,
Хушбахтвализ ккергъу хулар
Ккидирчнущ, йип,
гъархуз шулин?



Пианистарин конкуредиъ - сабпи йишв



Апрелин 24-ди Ахты райондин Хрюг гзулаъ РСФСР-ин халкъдин аертис Рязгимат Гъжиевайин ччвурнахъ живан пианистарин райондин арайиъ вуйи конкурс к1ули гъубшну. Конкуредиъ Дагъустан республикайин йиц1уб муниципалитетдиан 50 урхурайи иштирак гъахъну. Ихъ райондиан думу конкуредиъ Къасум Мягъямедовдин ччвурнахъ

хъайи райондин искусствуйрин мектебдиъ фортепианоин отделениеиъ урхурайи (4-пи класс) Залина Рустамова иштирак гъахъну. Дупну ккундуки, 2022-пи йисан Залинайи, сабпи ражари вуди конкуредиъ иштирак духъну, лайикълу шубубпи йишв гъазанмиш гъап1нийи, хъа ццийин йисан дугъу ихъ райондин ад сабпи йишв гъа-

дабгъбинди за гъап1ну. Залинайи му конкуредиъ къялан яшнан дестейин пианистарин арайиъ гъалибвал гъазанмиш гъап1ну. Залина Рустамова сабпи дережайин дипломди хиде ва конкурсдин эмблемайихъди, хъа мугъан мялим, райондин искусствуйрин мектебдин директор Исмяил Исмяилов конкурсдин тешкиллувалин комитетдин терефнаан Чухсагъулин кагъзихъди лишанлу гъап1ну. Къайд дап1ну ккундуки, ихъ райондин искусствуйрин мектебдиъ урхурайидари райондин, республикайи к1ули гъягъру жюрбежюр конкурсарий кми-кмиди приздин йишвар гъазанмиш ап1ури шулу. Жигъил пианисткайиз гележегдиъра хъуркъувалар ккун ап1урхъа.

Фарзилат РАЖАБОВА.
Шиклиъ: Залина Рустамова ва Исмяил Исмяилов лишанлу ап1ури.

«Жигъил талантар» конкурс к1ули гъубшну

Гъарсад йисанси, цира байр-шубар гъартеревлу артмишди аргъаж, дюнъяйин утканвалихъна ва ужувлахъна вердиш хъпан, багъри халкъдин тарих агъю ва удукърувалар айидар ашкар ва гъевеслу ап1бан бадали, апрелин 24-ди райондин биц1идарин яратмиш ап1барин Хулан пишекрари УО-йин пишекрарихъди сат1иди «Жигъил талантар» муниципалин конкурс к1ули гъубшну. Конкурс хизандин йисаз тядукъ вуди тешкил гъап1уб вуйи.

Конкуредиъ иштирак хъуз райондин 12 мектебдиан аьрзийр айи. Душваъ хъуб номинация айи: мягълийр, ялхъвнар ап1уб, сягъна дивуб, фольклор (бабан ч1алниинди саб аьдат улупуб), музыкайин алатарин мукъмар йивуб.

Конкурсдин иштиракчийр къюб яшнан дестийриз жара гъап1нийи: 7 йисан 10 йисаз вуйи биц1идарин; 11 йисан 15



йисаз вуйи живанарин.

Йишвар гъамци пай гъахъну: **мягъли ап1баан** - биц1и яшнан дестейиан: 1-пи йишв - Реанна Шадбегова (Мягъргъарин къюбпи нумрайин къялан мектеб); 3-пи йишв - Алия Бабаева (Гурхъарин къялан мектеб);

11 - 15 йис яшнаъ айи биц1идарин дестейиан: 1-пи йишв - Алина Къасумова (Хючнаарин

къюбпи нумрайин къялан мектеб); 2-пи йишв - Мадина Абдуллаева (Хючнаарин гизаф профилар айи сабпи нумрайин лицей); 3-пи йишв - Марина Ханмягъямедова (Тинт1арин къялан мектеб);

ялхъвнар ап1баан - биц1и яшнан дестейиан: 1-пи йишв - «Дяви адру дюнъя» (Хянгъарин къялан мектеб); 2-пи йишв - «Лезгинка» (Халгъа-

рин къялан мектеб);

аьхю яшнан дестейиан: 1-пи йишв - «Шубарин ялхъван» (Хючнаарин гизаф профилар айи сабпи нумрайин лицей); 2-пи йишв - «Аварарин ялхъван» (райондин биц1идарин яратмиш ап1барин Хал);

сягъна дивбаан - биц1и яшнан дестейиан: 1-пи йишв - «Турф» (Хючнаарин гизаф профилар айи сабпи нумрайин лицей);

аьхю яшнан дестейиан: 1-пи йишв - «Дирбаш Мансур» (райондин биц1идарин яратмиш ап1барин Хал);

фольклорин - 1-пи йишв

- Хили-Пенжигъарин къялан мектеб; 2-пи йишв - Къяйбулла Ханмягъямедов (Хючнаарин гизаф профилар айи сабпи нумрайин лицей);

музыкайин алатарин мукъмар йивбаан - биц1и яшнан дестейиан: 1-пи йишв - Валид Рашидов (райондин биц1идарин яратмиш ап1барин Хал); 2-пи йишв - Къяйбулла Ханмягъямедов (Хючнаарин гизаф профилар айи сабпи нумрайин лицей);

аьхю яшнан дестейиан: 1-пи йишв - Гъябиб Рамазанов (райондин Гимназия); 2-пи йишв - Аьйшат Жяфарова (райондин Гимназия); 3-пи йишв - Саида Ильдарова (райондин Гимназия).

Гъалиб гъахъи ва приздин йишвар гъазанмиш гъап1у иштиракчийр райондин биц1идарин яратмиш ап1барин Хулан руководствойин терефнаан Гъюрматнан грамотийрихъди лишанлу гъап1ну.

Фарзилат РАЖАБОВА.

Майдин машквар къайд гъап1ну

(Эвел 1-пи машнаъ.)
рин вакилар, райондин агъалийр иштирак гъахънийи.

Уч духънайидар машквархъди райондин образованиин работникарин профсоюздин комитетдин председател Зейфутдин Керимовди тебрик гъап1нийи. Дугъу 1-пи Май ихъ уьлкейи къайд ап1уз хъюгъбан тарихдикан, думу вари1ан ккуни машкварикан саб вуйиваликан, райондин зегъметнан ва машкварин аьдатарикан гъап1нийи, ге-

лежегди халкъарин арайиъ гъюрмат ва мясляаъ, инсанарин к1ул'ин гъарган ислягъ зав хъувал ккун гъап1нийи.

«1-пи Май аку гележег диврайи зегъметкешарин машквар ву. Ухъу саризра ихъ машквар ва аьдатар ч1ур ва бат1ил ап1уз гъитдархъа. Табасаранар гъарган машгъур зегъметкешар гъахъну ва гъаму вахтнара дурар ватандин аку гележег бадали зегъметниин машгъул ву», - гъап1нийи Зейнутдин Керимовди чан улхбаъ.

Машкваран серенжемдиъ райондин глава Мягъямед Къурбановди райондин искусствуйрин мектебдин директор Исмяил Исмяиловди шашкыйриан Урусатдин спортдин мастерин удостоверение ва значок, хъа райадминистрацияйин культурайин Управленийин работникар Дашбег Нурмягъямедовди РД-йин Гъюкуматдин «Дагъустандин юк1в» премияйин удостоверение ва значок тувну.

Машкваран серенжем рай-

ондин культурайин Управленийин работникарин концерт улупбиинди давам гъабхъну. Думу йигъан спортдин серенжемарра к1ули гъухну.

1-пи Майдиз тядукъ серенжемар Табасаран райондин вари гъуларин поселенийри гъахъну.

Абдулмажид РАШИДОВ.

Нурулла РЯГЪИМОВДИ
гъиву шикил.

(Ответы на сканв. № 17.)



Учредитель:
Администрация МР
«Табасаранский район».

Главный редактор
И.М. Яралиев.
Табасаранский язык.

Позиция редакции может не совпадать с точкой зрения авторов, которые несут ответственность за достоверность и объективность представленных для публикации материалов. Рукописи не рецензируются и не возвращаются.

Газета зарегистрирована Управлением Федеральной службы по надзору в сфере связи и массовых коммуникаций по РД от 12.12.2008 г
Регистрационный номер:
ПИ № ФС 05-0013.
Цена - 8 руб.

ИНДЕКС-51375.
Адрес редакции и издателя:
368650.РД, Табасаранский район, с.Хучни, «Редакция газеты «Табасарандин сес» («Голос Табасарана»)).
Срок подписания в печать по графику - 17.00
Подписано в печать - 17.00

Телефон:
Главного редактора -
8-967-390-76-85.
Адрес электронной почты:
golostab@mail.ru

Газета набрана и сверстана на базе компьютерной техники МБУ «Редакция газеты «Табасарандин сес» и отпечатана в ООО «Типография -М» 368600, г. Дербент, ул. С. Курбанова, 25. По всем вопросам качества печати обращаться в типографию Тираж 2739

Заказ №